

ध्याऽ 4 **लौहुके कदम**





लक्षें गी निर्धारत करना ते हासल करना कामयाबी दी कुंजी ऐ। मसाल आस्तै, 10 सिकंटें आस्तै प्लैंक दी स्थिति च रौह्ना, इक पैरै पर 2-5 सिकंटें आस्तै संतुलन बनाना, इक मिंट आस्तै रस्सी कुद्दना। हर इक माह्नू दे अपनी जरूरतें दे अधार पर बक्ख-बक्ख लक्ष होंदे न, पर किश लक्ष होंदे न जि'नेंगी हासल करने दी असें सभनें गी कोशश करनी चाहिदी। इस ध्याऽ च, अस संतुलन बनाने ते सामर्थ प्राप्त करने आस्तै अपने-अपने लक्ष निर्धारत करगे ते उ'नेंगी हासल करगे।



बी.एम. 19 सोटी गी संतुलत करना

जरूरी समग्गरी सोटी

कि'यां खेढना ऐ

- खेढ खेत्तर च इक सुरक्खत थाह्र तुप्पो।
- अपने शिक्षक कोला इक सोटी लैओ ते अपना लक्ष निर्धारत करो।
- सोटी गी अपनी तली पर रक्खो ते संतुलत करो, ताकि सोटी डिग्गे बगैर खड़ोती र'वै।
- तुस कुसलै तगर संतुलन बनाई सकदे ओ, उस समें गी रिकार्ड करो। हर बारी अपने लक्षत समें गी बेह्तर बनाने दी कोशश करो।.



शिक्षक आस्तै नोट



उद्देश संतुलन, रणनीतिक सोच, गुरुत्वाकर्शण दे कन्नै जां उं'दे खलाफ भार बदलने ते फैसला लैने दी समर्था दा विकास करदा ऐ।

बन्न-सबन्नतां

• इसगी सैह्पाठियें दे कन्नै इक खेढ दे रूपै च खेढो। जेह्ड़ा विद्यार्थी सभनें शा लम्मे समें तगर सोटी गी संतुलत करदा ऐ, ओह् जित्ती जंदा ऐ।

सर्कल समां चर्चा करो जे हर इक खढारी ने सोटी गी संतुलत करने आस्तै केह कीता।



चलदे र'वो

कि'यां खेढना ऐ

- खेढ खेत्तर च इक शुरूआती लकीर ते इक समाप्ति लकीर बनाओ।
- च'ऊं च'ऊं दे समूह् बनाओ। त्रै खढारी इक-दुए दा हत्थ फड़ङन ते चौथा विद्यार्थी बिच्च होग।
- पूरे समूह गी बिच्च स्थित विद्यार्थी गी छूहते बगैर शुरूआती लकीर कोला समाप्ति लकीर तगर लेई जाना गै लक्ष ऐ।
- जेहड़ी टीम पैहलें समाप्ति लकीर तगर पुजदी ऐ, ओह जित्ती जंदी ऐ।











खतम

बन्न-सबन्नतां

- बिच्च द'ऊं खढारियें दे कन्ने खेढ
- टीम दे साथियें दे मूंढे फड़दे होई खेढ खेढो।

सर्कल समां स्टार ते विश


संतुलन साधना

जरूरी समग्गरी

मार्किंग पाउडर संगीत प्लेयर

कि'यां खेढना ऐ

- जमीन पर चार डब्बे बनाओ। स्टेशन दे रूपा च हर इक डब्बा शिक्षक आसेआ समझाए गेदे इक किसमै दे भ्यास दी नमायंदगी करदा ऐ।
- शिक्षक आसेआ जिसलै तगर संगीत चलाया जंदा ऐ उसलै तगर डब्बें दे चबक्खै दौड़दे, कुद्ददे, चलदे होई परकरमा करो ।
- जियां गै संगीत रुकदा ऐ, विद्यार्थी जिस जिस डब्बे च रुकङन, उस च दस्सी गेदी बरजश दा भ्यास करङन। जेह्ड़े विद्यार्थी 10एं सिकंटें कोला मते समें तगर बरजश करने च समर्थ होंदे न, ओह् अगले चक्कर च चली जाङन।



शिक्षक आस्तै नोट



उद्देश बदलदे हलातें च अंगें दी स्हायता कन्नै स्थिर रौह्ने दी समर्था गी समरिद्ध करना।

बन्न-सबन्नतां

- द'ऊं वर्गें शा शुरुआत करो ते बल्लें-बल्लें वर्गें दी गिनतरी बधाओ।
- निर्धारत लक्ष गी 10 सिकंटें कोला मते तगर बधाओ।

सर्कल समां स्टार ते विश बीएम 22 प्लैंक

जरूरी समग्गरी चटाई

कि'यां खेढना ऐ

- अपने ढिड्डै भार लेटी जाओ।
- अपनी कोहनी दी मदाद कन्नै अपने शरीरै गी इस चाल्ली उप्पर चुक्को जे शरीर जमीन दे बराबर होऐ, गोड्डे सिद्धे होन ते शरीरै दा ख'लका हिस्सा पैरै दे पंजे पर होऐ।
- जिन्ना होई सकै लम्मे समें तगर शरीरै गी उस्सै स्थिति च रक्खने दी कोशश करो। समें दा रिकार्ड रक्खो।





उद्देश मुक्ख मांसपेशियां, मानसिक शक्ति ते इच्छा शक्ति दा संवर्धन ।

बन्न-सबन्नतां

- गोड्टें गी धरती पर रखदे होई असान बरजश शा शुरुआत करो ते बल्लें-बल्लें अगले चरण च पुज्जो।
- समें च सधार करो, 2 सिकंटें कोला शुरू करियै 10 सिकंटें तगर जाओ।

सर्कल समां शरीर दे उ'नें खेत्तरें दी पन्छान करो जित्थै तुसें तनाऽ मसूस कीता।

घर तुप्पो

जरूरी समग्गरी

ह्रप्स

कि'यां खेढना ऐ

- इक बड्डे घेरे गी चि'न्नत करो ते ओह् दे अंदर हुप्स रक्खो। हूप्स दी गिनतरी खडारियें दी गिनतरी कोला घट्ट होनी चाहिदी।
- खेढ सीटी बजने कन्नै शुरू होंदी ऐ। विद्यार्थी बड्डे घेरे दे आस्सै-पास्सै दौड़ना जां लंघना शुरू करी दिंदे न।
- दूई सीटी दे बजने पर, विद्यार्थियें गी घेरे दे अंदर रक्खें गेदे हूप्स च कुद्दना चाहिदा।
- जि'नेंगी हूप नेईं लभदा ऐ उ'नें गी बाह्र करी दित्ता जाहुग।
- हून, दुए दौर आस्तै हूप्स दी सैंख्या घट्ट करो ते खेढ
 उसलै तगर चलदी रौंह्दी ऐ जिसलै तगर छड़ा इक खढारी नेई बची जंदा।



शिक्षक आस्तै नोट





उद्देश मानसिक सुदृढ़ता, फैसला लैने ते तौले प्रतिक्रिया गी बधाना।

बन्न-सबन्नतां

- घेरे दे चबक्खै दौड़दे समें बक्ख-बक्ख जानवरें दी चालें दा इस्तेमाल करो।
- घेरे दे आस्सै-पास्सै खढारियें दी गिनतरी ते हूप्स दी गिनतरी बक्ख-बक्ख कीती जाई सकदी ऐ।

सर्कल समां स्टार ते विश






कि'यां खेढना ऐ

- खेढ खेत्तर गी दु'ऊं हिस्सें च बण्डो ते केंद्रर च इक चीजै गी रक्खो।
- इक विद्यार्थी पुलस गार्ड होग ते होर दुए चोर होङन जेह्ड़े केंदर थमां चीजै गी लैने दी कोशश करदे न।
- चोर केंद्रर च चीजै दा सामना करदे होई इक लकीर पर खड़ोते दे होङन। गार्ड चीजै कोला दुर खड़ोते दा होग।
- जिसलै गार्ड दूर दिक्खा दा होंदा ऐ तां चोर उस चीजै आह्ली बक्खी बधदे न। जिसलै गार्ड टीम दी बक्खी मुड़दा ऐ, तां खढारियें गी मूर्तियें आंहृगर जमना पौंदा ऐ।
- जेह्ड़ा बी हिलदे-झुलदे होई फड़ेआ जाह्ग ओह् बाह्र होई जाह्ग। खेढ उसलै तगर जारी रौंह्दी ऐ जिसलै तगर जे कोई चीजै गी चोरी नेईं करदा। चोरी करने आह्ला अगला गार्ड बनी जंदा ऐ।










कियां खेढना ऐ

- द'ऊं लकीरें गी चि'न्नत करो ते दौनें लकीरें पर हूप्स रक्खो। हर इक घेरे च चार गेंदें गी दूर दी रेखा पर रक्खो।
- च'ऊं च'ऊं सदस्यें दियां टीमां बनाओ। सारियां टीमां खाल्ली हूप्स दे पिच्छें कतार च खड़ोंदियां न ते इसगी शुरुआती बिंद दे रूपै च चि'न्नत करदियां न।
- खेढ सीटी बजने कन्नै शुरू होंदी ऐ। हर इक समूह् च पैह्ला खढारी (घोड़े आंह्गर) छालां
 मारदे होई घेरे शा गेंद आह्नने आस्तै दूर कंढे तगर जंदा ऐ।
- हूप थमां गेंद गी चुक्कने दे परैंत्त, खढारी बापस शुरुआती लाइन पर परतोंदा ऐ ते गेंद गी अपनी टीम दे खाल्ली हूप्स च सु'ट्टी दिंदा ऐ।
- जि'यां गै पिछला खढारी गेंद्र गी हूप च सु'ट्टदा ऐ, हर इक समूह् दा अगला खढारी दौड़ना शुरू करी दिंदा ऐ। खेढ उसलै तगर जारी रौंह्दी ऐ जिसलै तगर जे सारे चार खढारी छाल मारियै गेंदै गी घेरे दे दुए कंढे थमां आहुनी नेईं लैंदे न ।
- इस प्रक्रिया गी पैहलें मकाने आहली टीम खेढ जित्ती जंदी ऐ।









कि'यां खेढना ऐ


- दो समूह् बनाओ। धरती पर त्रै लकीरां चि'न्नत करो शुरुआती लकीर, बश्कारली लकीर ते खीरली लकीर
- रनर्स (दौड़ने आह्ले) नांऽ दा इक समूह् शुरुआती लकीरै पर खड़ोग ते चेज़र्स (पकड़ने आह्ले)
 नांऽ दा दुआ समूह् बश्कारली लकीरै पर खड़ोग।
- दौड़ने आह्लें गी दौड़दे होंई चेज़र्स गी चकमा देना होंदा ऐ ते बगैर छोंह्दे जां पकड़ोए खीरली लकीरै तगर पुज्जना होंदा ऐ।
- खीरली लकीरै तगर पुज्जने आह्ले खढारियें दी गिनतरी उस टीम आसेआ बनाए गेदे अंकें दी गिनतरी होग।
- हून भूमकां बदलो ते परितयै खेढो



वैक्सीन विजयते

जरूरी समग्गरी

रोग ते उ'दे वैक्सीन टैग





कि'यां खेढना ऐ

- क्लासै गी द'ऊं समूहें च बण्डो इक गी रोग समूह् दे रूपै च जानेआ जंदा ऐ ते दुए गी वैक्सीन समूह दे रूपै च।
- किश बमारियें दे नांऽ कागज पर लिखो ते उ'नें गी रोग समूह् दे खढारियें दी पिट्ठै पर चमकाओ ।
- उ'नें बमारियें आस्तै टीकें दे नांऽ इक कागज पर लिखो ते उ'नेंगी वैक्सीन समूह् दे खढारियेंदी दी पिट्टै पर चमकाओ ।
- सीटी बजदे गै खेढ शुरू होई जंदी ऐ। वैक्सीन समूह् दे खढारी अपने टीकें कन्नै ठीक होने आहुलियें सरबंधत बमारियें गी पकड़ने दी कोशश करदे न।
- उस समें पर ध्यान देओ जेह्दे च रोग समूह् दे सारे खढारी वैक्सीन समूह् आसेआ पकड़े जंदे न।
- हून भूमकाएं गी बदलो। रोग समूह् दे खढारी सरबंधत वैक्सीन सदस्य गी पकड़दे न।
- रोग समूह् आसेआ वैक्सीन सदस्यें गी पकड़ने च लैते गेदे समें पर ध्यान देओ। ओह् समूह् जेहुड़ा घट्ट समां लैंदा ऐ जित्ती जंदा ऐ।



